

NIA VOĈO

Madrida Esperanto-Liceo

San Alejandro 6-4°B-Ext. 28005 Madrid
(Nur poŝta adreso)
Ni kunvenas lunde je la 18,30 en Rodríguez San Pedro 13-3°-7

Redaktas kaj eraras: Lupe Sanz

DECEMBRO 2006

En aparta folio ni inkludas, por nia membraro, la programon kaj la buĝeton por 2007

15-a de decembro Tago de Esperanta Libro. Aĉetu, pruntu en biblioteko, aŭ simple prenu el via libroteko... kaj legu e-libron!

PEN-KLUBO KONGRESOS EN ESPERANTIO

La fama internacia klubo de verkistoj okazigos en 2008 la Unuan Eŭropan Konferencon, en La Chaux-de-Fonds (Francio), dank'al la apogo de Kultura Centro Esperantista. Kvankam la aranĝo prioritare celas la centrojn de Eŭropo, pli ol 140 PEN-centroj en la mondo estos invititaj.

NOVA AGENTEĴO EN ESPERANTO

Roberto Pérez-Franco, inĝeniero el Panamo, lanĉis antaŭ iom pli ol unu jaro la retagentejon "Raporto.info" dediĉita al ĝeneralaj novaĵoj, kie esperantistoj el ĉiuj landoj povas meti novaĵojn kaj komenti samtempe pri la aliaj raportoj: <http://raporto.info/>

KONGRESO PRI LA INTERCIVITANA MILITO

La mardon 28-an de novembro en la kadro de la kongreso Toño del Barrio kaj Ulrich Lins prelegis pri "La utiligado de Esperanto dum la hispana milito". S-ro Lins venis en Madridon por partopreni la Kongreson kaj li ricevis tiucelan helpon fare de la organizantaro. Li rendezvis kun madridaj esperantistoj kaj vizitis la sidejon de HEF.

Resumo de la prelego troviĝas en la paĝo 5 de la jena dokumento:

http://www.congresoguerracivil.es/media/docs/mesa_25.pdf

Kurioze, oni ĝin enmetis en la fako "Gazetaro kaj ĵurnalismo", ĉar ni pritraktas la gazetaron eldonitan en Esperanto, kvankam ni parolas ankaŭ pri aliaj aferoj. (Toño del Barrio)

AMASMEDIOJ

En diversaj radioj aperis jena reklamo de **RENFE**: - *¿Has visto? ¡Ha conseguido el puesto!*
- *¡Claro! ¡Es que sabe Esperanto!. Dale un giro a tu curriculum. Unos minutos al día son suficientes para aprender el idioma del futuro. ¡Aprende Esperanto! ¿A qué estás "esperanto"?*

Toño del Barrio opinias ke estas unu el tiuj kampanjoj dum kiuj oni vekas la atenton kaj poste aperas la slogano de la entrepreno, sed li timas ke la postaj disvolviĝoj de la fadeno povus esti ne tiom favoraj; interalie, oni menciis ion pri alia anonco kun mencio al akademio por ke la hundoj lernu paroli (???). Ni atendu.

La oktobra numero de "La Ondo de Esperanto" inkludas klarigon de Toño pri la hispanaj nomoj.

Ampleksa raporto pri esperanto aperas en la ĵurnalo "El Día de Valladolid" (2006-10-16). Kvankam ne favora titolo, la teksto estas pozitiva kun speciala mencio al la historio de la grupo kaj al la UK de Florenco. Ankaŭ la valladolida eldono de "20 minutos" publiikigis anoncon pri la grupo "Fido kaj Espero"

URBO KUN NOMO EN ESPERANTO

La urba konsilantaro de Herzberg en Germanio, (ĉiuj urbaj konsilantoj de la 4 kvar partioj kun 3 sindetenoj) voĉdonis la 11-an de julio: la nova oficiala nomo de la urbo fariĝas: Herzberg am Harz, die Esperanto-Stadt/la Esperanto-urbo! La urbo en ĉiu kampo fiere subtenas kaj laŭ sia kapablo antaŭenigas la uzadon de Esperanto por neŭtrala internacia interkompreniĝo, kaj planas uzi la lingvon por montri al la mondo siajn homajn, turismajn, kaj aliajn valorojn.

LA VORTARO DE FERNANDO DE DIEGO TROVEBLAS EN LA RETO

Post la permeso de la eldonisto kaj la teamo kiu faris ĝin, la nova paĝaro de HEF havos ligilon al la elektronika formato de la vortaro de F. de Diego (hispana-esperanto): serĉu "Vortaro" ĉe:

<http://www.esperanto.es/hefesperanto/index.php>

HISPANA ESPERANTO-FEDERACIO

La Sekretariino, Carmen Suárez, deĵoras lunde vespere (17,00-20,30h); dum aliaj tagoj vi povas faksi aŭ telefoni al 91 446 80 79 (aŭtomata respondilo) aŭ kontakti rete: admin@esperanto.es

La venonta numero de Boletín, redaktita de Jorge Pavón aperos en decembro.

La "Ministerio del Interior" aprobis la kontojn de HEF por 2005 kiel asocio de Publika utileco.

Dum la estrarkunveno 2006-10-02 jenaj reprezentantoj estis konfirmitaj:

Rilatoj kun esperantaj grupoj	Manolo Parra
Rilatoj kun Eŭropa Esperanto-Unio	Pedro Hernández
Rilatoj kun ILEI	Augusto Casquero (provizore)
Rilatoj kun TEJO	David Trigo, Prezidanto de HEJS
Informado al gazetaro	M. Pancorbo (eventuale Toño kaj P. Hdez)
UEA A-Komitatano	J. Miguel García Iturrioz
UEA Kotizperantoj (Ne dependas de HEF)	P. Garrote kaj Kataluna Esperanto-Asocio
UEA Ĉefdelegito (Ne dependas de HEF)	Fernando Moral

Kunveno de la estraro (2006-11-27):

La Hispana Esperanto-Kongreso okazos en Palos de la Frontera (Huelva) ekde la 5a ĝis la 8a de julio 2007.

Por 2007 oni aprobis la samajn kotizojn por HEF-membroj kiel en 2006.

Miguel Angel Sancho prezentis la novan paĝaron de HEF (www.esperanto.es)

HEF helpos al la Junulara Sekcio (HEJS) dum la organizado de la "Iberia Renkontiĝo" eble okazonta en Madrido la duan semajnfino de marto.

VENONTAJ PROGRAMOJ EN MADRIDO

Ekde la 18-an de septembro niaj konversacia-rondoj okazas ĉiulunde, ekde la 18.30 h, en RODRÍGUEZ SAN PEDRO 13-3-7. Tel. 91 446 80 79.

Sabato 16-an Decembro: Spektado de la filmo "Gerda Malaperis" (Librería Muga, Av. Pablo Neruda, 89, Vallecas) iom post la fino de la zamenhofa bankedo sube anoncata.

KURSOJ:

Vallecas. Pedro Hernández instruas senpage ĉe "Librería Muga", Avda. Pablo Neruda, 89 Tel. 91 507 90 84/85 kaj 667 721 951. Sabate je la 17-a (baza kurso) kaj je la 18,30-a (meza nivelo)

Tetuán. La 14-an de novembro Alejandro Pareja komencis bazan kurson en "Biblioteca Pública Vazquez Montalbán", Francos Rodríguez 67, (Metroo Francos Rodríguez). La kurso estos por komencantoj, senpaga, kaj la lecionoj okazos la mardojn je la 7a vespere. Aliĝu ĉe la biblioteko, 91 398 07 23

ZAMENHOFA BANKEDO

Sabato 16-an de decembro je la 14,00.

MENUO (22 € pago surloke)

Cafeteria Candilejas Sur. c/Candilejas 32 (Apud Asamblea de Madrid)

Aŭtobusoj: 144, 57 (Haltejo Eroski), metroo: Portazgo (15 minutojn piede), Renfe: Asamblea de Madrid - Entrevías (7-10 minutojn piede)

Rezervoj: Pedro Hernández 912234853 kaj 667721951

MADRIDA ESPERANTO-LICEO DEZIRAS AL VI FELIĈAJN FESTOJN KAJ NOVJARON

ESPERANTO LICEO DE MADRID

Asociación de Utilidad Pública Municipal

San Alejandro 6- 4ºB EXT

28005 Madrid